

4701

殿志 437

10260.83

58

部

安陸縣志補正

卷上

安陸縣志

補正

太史第  
藏版

同治十一年

八月望開彫

陳右臣明府以所纂安陸縣志補正乞序於余，維志之難與史等，匪惟三長抑有二病，夸者鑿空架虛，陋者抱殘守缺，故千餘年來天下郡邑莫不有志而善者平鮮，今右臣以里居之暇搜故實攷羣書於斯志，缺者補之，訛者正之，漏者細之，不下數萬言，其才其學其識具見於此，豈惟去夸陋

之病為後來載筆者法蓋  
在於表章忠孝節廉之事  
使都人士有所矜式焉余與  
右臣雖非相知夙聞其博物  
君子目是而戎其用意之所  
存矣收序之

同治十一年歲在壬午

辛卯月之吉

愚弟陳建侯拜書

敘

安陸故鄖子國也於楚不為形勝地狀  
東引宛黃西控唐鄆南枕夢澤北臨  
淮蔡固天下所必爭粵匪倡亂以來未  
及十年城凡四陷鄉邑為墟檉山濱水  
間歲苦兵革家石臣大令謁告歸舊

里懼兵燹刊殘文獻日即淪亡也乃取  
邑舊志補其闕較正其謬并彙得五  
萬餘言屬其從子桂生太史以示余  
讀之而歎者臣既老而用心益遠也今  
天下郡縣吏自丞尉以上例不得特符  
傳自涖其鄉土越人而入秦齊人而

適楚平狀受事旬月之間語言尚未  
能達况欲表其先賢為式闕里取彼  
積習予以變更自非居約時已能究心  
天下之故則舍志棄固未見其能洞狀  
也右臣里居多暇凡邑中故實見遺  
於舊志而於他書鏤之可見者雖疇

二

零必為掇拾時賢為見聞所逮亦附  
箸焉而於風土人情尤瑣之言之不厭  
蓋欲以是告後之吏茲土者俾知因  
俗而善道焉而因以風俗之盛衰覘  
政治之得失右臣之為心則既遠矣惜  
乎右臣不竟用於世而後措其心於

一鄉一邑間也。雖狀右臣日坐輦鼓聲  
中尚能鉛槧不廢。幸今南方稍定。楚  
大吏且謀輯通志。右臣身繫文獻之  
望。願無以老自解。而博采乎襄陽者  
舊楚國先賢凡有資吾楚掌故者。其  
悉綜彙而薈萃之。以成通國之志。俾

三

國故賴以不墜。以視夫寓心於一鄉一邑  
間者。相去殆不可以道里計矣。右臣  
幸終勉焉。書成。勿憚見寄。余老矣  
蓋猶能把筆論定之。

同治五年歲在丙寅八月宗弟廷經頓首拜序  
七年歲在戊辰年愚侄黃槐森頓首拜書

序

余纂安陸縣志補正二卷成客有問  
予者曰志經前數君子手又歷二十  
餘寒暑殆克歲事邑之人今日善哉  
志也衆美具矣子奚為補曰佚也奚  
為正曰誤也子補之正之志遂無佚  
無誤矣乎曰否不然也昔夫子詒仲

一

弓曰舉爾所知爾所不知人其舍諸  
以待後之君子也已客曰有是哉吾  
許女不自是之可以補是正  
大清咸豐三年歲在癸丑嘉平之月  
二十有八日邑人陳廷鈞大鴻甫  
雪窗呵凍書於平舒官舍碧山人  
來之室

安陸縣志補正

凡例

- 一是書之補補志佚也其有事涉修志後者合並補之
- 一是書之正正志誤也其有不關志載而事涉沿襲傳聞之訛謬者合並正之
- 一是書正志之誤載者其事其文皆歸入後按內以辨別之明在刪除之列
- 一是書之按多旁引以證本事非必盡關安陸故實也故用低格以別之

一是書脫稿於癸丑歲開雕於壬申歲其事涉癸丑以

安陸縣志補正卷上

後者俱係增入

- 一是書於星野概不及者闕所不知也其餘惟選舉節烈兩門一以科名仕宦人所易知易於徵考一以兵燹甫息通邑殉難節烈甚夥尙未彙報其已報者未蒙覆准故概從畧焉

一是書妄意直道而行罔識忌諱其中議論失平徵引未當與夫遺漏差誤之處在所不免尙冀後之同志君子匡我不逮

廷鈞謹識

安陸縣志補正卷上

邑 陳 廷鈞纂 學棻參訂

建置

志凡例稱安州有二保定之安州置自金順天之密雲縣後魏亦稱安州至德安名安州自西魏始攷魏書地形志安州皇興三年置治方城後寄治幽州北界領密雲等三郡非密雲縣也又皇治二年於定州置安州領中山等五郡天興三年改定州詳見定州新志又隋書地理志普安郡梁置南梁州後改爲安州又樂安郡舊置安州後周改安陸縣志補正卷上

爲立州又下邳郡陳改爲安州後周爲泗州又甯越郡梁置安州隋改曰欽州據此不得謂安州有三也  
按周去非嶺外代答欽州甯諫議廟六朝人有甯猛力據有其地隋朝因拜猛力爲安州刺史然恃險驕倨自若也自令狐熙爲桂州總管諭以恩信乃詣府請謁後熙奏改安州爲欽州史載開皇十七年欽州刺史甯長真來朝卽猛力子也今新志職官將甯猛力收入安州刺史謬之數千里矣

山

宋黃庭堅題白兆山詩後云余聞士大夫嘗勸白兆山僧

重素卽巖下作桃花菴素云桃花菴不難作但恨無李白  
耳今彥顧乃欲鑿巖石刻李白詩並欲結草其旁以待冠  
蓋之遊者素不可蓋安知遂無李白耶爲我多謝素師今  
無白兆尙不廢椎鼓升堂豈可臆計世無李白素若有語  
可並刻之彥顧安陸李愷也元祐三年十二月己卯黃庭  
堅書見山谷題跋府志有元郝經白兆山詩云旗尾拖澗  
雲鼓行斷橫谷敵人隔林望坐甲不敢出白兆有居民煙  
蘿蔽喬木負擔來迎降馬首爭蒲伏爲聞不殺令又復治  
安陸萬死乞餘生焦土覓舊屋老人翻白髮南望吞聲哭  
松楸卻成林到此死亦足載說桃花巖醉墨苔蘚綠每於

安陸縣志補正

卷上

二

秋月下似有飛仙讀遽令巾其巔重爲賜米肉偏裨好護  
送縱歸不令宿喜氣動江山迢迢肆遐矚安得與李白雲  
窗對修竹見本集近代許兆椿白兆山尋李白讀書處詩  
云名山如幽人相招興不惡飄然蒼翠來冉冉度林薄我  
行無遠近小徑得畧約石瀨驚鳴猿初霞媚晴壑松風爲  
我至一一清音作謫仙古仙人遨遊寄雲屨永懷山水趣  
發此讀書樂峨嵋半輪月岿岿入羅幕迄今桃花巖巖存  
花不落大雅多流風仙才未敢託山靈笑我頑晚烟忽漠  
漠徑將明月歸彈琴嘯孤鶴見秋水閣集

按許秋巖中丞九日同人小飲登郡城望白兆山詩云

秋山爽氣與人殊樹杪烟浮若有無但使黃花留客笑  
未妨側帽倩君扶城頭落葉堆寒澗邨外漁舟摘晚菰  
醉後好期明日約攜將襪被訪匡廬其餘泛清發望陪  
尾山登太白樓訪安州老人故居等作俱見集中不錄  
又按雲夢萬法周小莊登安州城望白兆山詩云澗水  
淙淙下漢東碧山遙望氣青葱羣峯隱約寒烟外遠樹  
依微夕照中玉洞桃花空暮雨金泉松子落秋風登臨  
憶煞青蓮客樽酒風期可許同見小莊詩鈔  
又按古今人詩歌文詞有關安陸者甚夥若盡入藝文  
嫌其煩冗故分錄之散見於各門此其例也

安陸縣志補正

卷上

三

石門山元郝經有詩云霜風赭諸山重崦黃榭映東南漢  
川盡萬疊複嶺巨甲士斫前路呀轉岡峽競登天忽落井  
急注縲一徑翻身伏馬鬣植立上石磴覆地露葉滑摔面  
樹枝迸斷水餘高盤蹶步復拉脛植竹磔青耳剌刺蹄血  
凝石梁僅尺許絕澗陡色暝萬眾急相擠失腳如墜甌前  
抵雙石門扼塞兩窟坵不虞爲申驚傳呼空谷應大洪宿  
重兵栲栳相盼睇木蘭與白兆左控復前迎漢淮此要害  
敵人必來偵部伍各整頓介冑聽將令遇敵毋妄動涉險  
更安靜如律以次發不鼓氣益盛崎嶇得隙地稻塍土脊  
硬匍匐拔劍刃澗洞下泥筭回看半天乾卻欲上危日

斜布營壘煙起眾已定反思中原好桑麻展平鏡沃野少  
巖邑生民樂王政鬻熊文王師南服始數乘後來爲霸國  
春秋每譏評一州七千里蓋亦賴形勝六朝據上流踵武  
反朝廷吾欲問楚人於今更幾姓見本集近人李道平游  
石門詩云西山山萬重山山足怡悅白兆西復西石門更  
峭絕灌莽巢蛟龍古人踪滅自我祖庭師始闢栖靈穴  
又高撐懸門仄不發磐石踞其巔凌風動欲折屢進勢益  
奇欲行路復截牢勝丸泥封險比重關設宛轉下層巖激  
石聲喧咽側身盤旋入循澗凹復凸豁問異境開頓覺天  
安陸縣志補正卷上

四

地別古洞窅而深梅花香不泄渴飲紫霞漿飢飭青松屑  
山空杳無人盤霄鶴影子桃源與天台幽邃未足埒此境  
伊誰開五丁手剔抉此門伊誰闢巨靈掌迸裂夜來雷雨  
聲闐然疑啟閉奧如兼曠如何異神仙窟攜杖且褰裒欲  
去不忍訣回首謝山靈但見雲扃鏑見有獲齋詩集

按郝文忠公年譜蒙古憲宗九年己未公以江淮等路  
宣撫副使將歸德軍副楊維中南征此二詩卽駐德安  
之所作也又有德安道中聞大軍渡江一首云萬騎吞  
江勢欲乾江神一夜倒狂瀾縱橫奇計山河壯霹靂先  
聲草木寒下令推恩今始見存心不殺古猶難天將海

宇都平蕩休道東南有謝安志寓賢佚載

槎山胡太史紹鼎槎山石泉序畧云山中泉最甘美煮以茗投以果筍益清一泉在山壁落下有石池承之冬夏不竭亦曰珍珠泉謂其滴碎也汲以飲可供數人一山巔有石池常注清泉亦曰雲瀨今土人無知其名者

水

湏水沈志於河水故道記載詳明自前明景泰間以迄於今蓋三百又數十年矣咸豐乙卯夏山水陡漲湏水由駱駝灘經虎子巖下自西而東遶義塘鎮南下歸還故道巡鎮之河遂淤塞舟不能行

安陸縣志補正

卷上

五

按沈志云德安舊有水繞碧霞臺狀元依舊來之譏或者爲之兆與

又按淵鑑類函引水經注及山海經注云漢水出隴坻道緜嶓冢山至江夏安陸縣名沔水故有漢沔之名註周昭王溺於此處又東至竟陵合滄浪之水註屈原遇漁父處今查漢水由陝西漢中府入湖北境經鄖陽襄陽安陸三府地過沔陽州界至漢川縣東流至湏口始與湏水合至大別山南入于江知古豈安陸縣疆域遼濶直濱隣漢沔二水非若今縣之蕞爾一隅也

清發志據元和郡縣志湏水故清發水也西北自隨州流

入注於沔謂之涓口春秋吳敗楚於栢舉從之及清發是也

按左傳定公四年冬蔡侯吳子唐侯伐楚舍舟於淮汭

杜註吳乘舟從淮來過蔡而舍之自豫章正義曰豫章郡名在江南與

楚夾漢左司馬成謂子常曰子沿漢而與之上下我悉

方城杜註方城山在外以毀其舟還塞大隧直轅冥阨

杜註三者漢東之隘道子濟漢而伐之我自後擊之必大敗之既

謀而行史皇謂子常楚人惡子而好司馬若司馬毀舟

於淮塞城口而入杜註城口二是獨克吳也子必速戰

不然不免乃濟漢而陣自小別至於大別正義曰禹貢

安陸縣志補正卷上

東流為漢又東為滄浪之水過三澨至於大別南入於江孔安國云大別在江北小別當在大別之東子常從

小別與吳戰退而至於大別明其自東而漸西也土地名闕不知所在十二月庚午二師

陳於栢舉傅氏曰栢舉楚地在吳從楚師及清發杜註水名

敗諸雍澨五戰及郢已卯楚子取其妹季芊畀我以出

涉睢杜註睢水出新城昌魏縣東南至枝江縣入江是

南郡枝江縣入江此水在郢都之西楚王避吳而西走庚辰吳入郢楚子涉睢濟

江入於雲中王奔鄖鬪辛與其弟巢以王奔隨今按地

形考之淮汭今桐栢縣正蔡今上蔡新方城今南陽地

隧直轅冥阨今三關在信陽小別大別皆地名在栢舉

今西清發註但云水名不言所在應在雍澨當由三澨

今襄陽安陸 郢今安陸 此吳師由淮蔡一直向西師行之

路盡在漢水以東三關以北襄郢上流吳師並未涉漢

東隨郢之境何由臨湏水乎吳人郢後楚王西行涉睢

又復回涉睢濟江應在今荆 向東北繞道而行入雲中

以達於郢如清發在郢楚王應當涉清發以達於隨何

以傳文不及則清發之不在郢較然明白矣而沈志踵

元和志之謬遂謂湏水支流經碧霞臺下曰土潭在北

月城下南去逕西城司馬東巖過水西寺及金泉寺爲

清發似是白撰

又按顧炎武云楚子涉睢濟江入於雲中傅氏曰雲中

安陸縣志補正卷上

雲夢澤中蓋江北之夢在今湖廣德安府考睢漢二水

皆入江楚子既涉睢而西復還入睢由睢而入江繞吳

兵之南而北濟以入郢自郢而奔隨也杜解以爲江南

之夢非是見亭林集

人

按志以人物標門通例也劉劭人物志是其濫觴據班

固漢書古今人表不曰人物表是不可綴物於人通人

於物也祇此一字之差可見後人率爾操觚不逮前人

遠甚

令尹子文氏鬪名穀於菟楚公族若敖之孫父伯比母郢

女誕生之異命名之由具詳左氏傳中經聖門子張一問  
大聖人以忠許之自是薄海內外雖三尺童子無不知名  
慕其爲人也初伯比有智謀佐武王拓地千里有大功食  
邑於鬪故胙土以鬪命氏伯比卒子文嗣位事文王文王  
立十三年卒子熊羆立是爲杜敖杜敖欲殺其弟熊惲惲  
奔隨與隨人襲弒杜敖代立是爲成王成王之未立也文  
王弟令尹子元欲蠱文夫人爲館於其宮側而振萬焉夫  
人卽成王母息媯也申公鬪班怒其不臣執而殺之是皆  
國內大難於是成王以子文爲令尹子文緇布之衣以朝  
鹿裘以處未明而立於朝日晦而歸食朝不謀夕自毀其  
安陸縣志補正 卷上

八

家以紆國難難平助王布德施惠結好於諸侯使人獻天  
子天子賜胙曰鎮爾南方夷越之亂無侵中國十六年魯  
僖公之四年也齊桓公以諸侯之師侵楚至陘山王與子  
文謀使將軍屈完來盟於師取成而還明年子文帥師滅  
茲又明年從王圍許許服禮而命之又六年伐黃滅之於  
是子文之孫生因命之曰克黃後爲箴尹又三年伐徐敗  
徐於叟林又五年帥師伐隨取成而還其間滅英滅夔伐  
齊者一伐鄭者二宋襄公欲合諸侯請於楚楚人與宋人  
齊人盟於鹿上又會於孟執宋公以伐宋又會於薄以釋  
之明年與宋人戰於泓宋師敗績宋公以傷股殞焉又明